



金陵集一

詩賦

16
2323
1



2323
1-12

金陵居士文集

居士集舊有爾雅堂本玉磬山房本西京本凡三集
歲乙亥以鑄字開印刪繁就約一以西京本為準為
二十四編印後著作當以續藁繼刊付于卷尾

金陵文鈔序




余嘗論廬陵之學韓猶義山之學杜趙承旨之學二
王父子義山學杜而不似杜廬陵學韓不似韓而二
王亦非趙蓋有深於似者矣古人相師不必其相襲
類如此且文章者才學與識為之然而有天焉以昌
黎之才處唐中葉無論奔走貧賤屢上宰相書不得
達則達矣憲宗豈行道主乎彼中書堂上趙憬賈耽
盧邁輩豈公伍乎其道愈窮其文愈光怪不得名狀
不俟徘徊光範門乃知其不遇也歐公幼亦孤貧然
而際宋仁宗之盛好議論當世事雖貶斥不少挫大

節益光視韓爲徑庭矣卒定英廟爲宋功宗所謂治世之音安而樂卽公有不自知者歟然而唐之文柳州張李皇甫之徒暨欽崎嵬瑣如樊宗師且以文從字順見稱實昌黎爲之倡宋時排斥軋茁致嘉祐諸君子之盛歐公之力爲多故善學韓者歐公也若其不似韓天也推而論之唐武宗之世玉溪生之詩憂傷畏懼之思每托於荒唐雲雨使亦如老杜北征諸將質而言之則箝於市者必不俟令狐絢輩而義山將不止不掛朝籍以苑文章可以論世洵然抑又有進者人各有所不朽而不必一無所同異聖門四子

其度越恒流允幾然而或愚或嘖不必諱亦不必改故不談性不信繫辭不害其爲歐公也後世之言性與信繫辭者比比矣其爲人賢不肖視公何如也朝鮮南公元平嗜書博覽篤志經術而所宗尚者尤在廬陵所爲文老成有法度其光黝然而味愆然深以長蓋朝鮮世享熙平醞釀滲漉又汎濩之故其人文如此而南公者余尤喜其不屑屑求合於廬陵句櫛而字仿之此其所以爲學廬陵也歟公所著古文詞甚夥余所見不數篇因書平昔所持論者復於公且庶幾知余之同嗜也

大理寺右評事上海玉水曹江拜撰



金陵先生文藁序



朝鮮重熙累洽深仁厚澤漸被一國英才輩出副墨
洛誦世其子孫躡光景挾幽怪作為文章卓然成一
家言余輩偶見一二於千百則其未見者可知矣往
者趙修撰文楷李舍人鼎元使中山歸云球陽雖僻
在海東別島名久朱者駘駘文學有鄒魯風間有論
著斐然可觀覽二君為余道如此余言蓋益信余友
曹君玉水年少好學人也其先德劔亭侍御伉爽好
客家無朝夕儲日輒作數人饌既而抗疏忤要人幾
褫職而名日益彰外國朝貢使往往介舌人以一識

面爲榮久之卒今皇帝親故獎遺直徙薪曲突恩澤
有加追贈中丞銜而蔭其子江以官如例卽玉水也
玉水旣渴於學好客有父風海外人猶有一二習者
如朝鮮柳君得恭朴君齊家皆是昨過玉水許則手
一編示余曰此朝鮮使南金陵先生詩及文也蓋爲
弁一言夫文章不限以地而非真者必不傳唐宋作
者無慮數百家茅氏取其八蓋以藥王李摹秦寫漢
掇皮之弊然鹿門自爲文荆川又有異同歸震川詆
弇州爲妄庸巨子而弇州卒以繼韓歐陽爲贊此無
他學生於好而形之遷也以習昔人絲染之喻每出

於不自知以王茅之文世猶以規仿爲言蓋作者之
難如是雖然要自有其不朽者在吾輩讀古人之文
而不知其失不可但知其失而不知其所以自立者
安在尤不可也朝鮮八道六十六州在屬國中視琉
球諸國較大又最近嗜學好古之士蔚豹文翔鳳羽
亦固其所若金陵尤卓卓者已金陵文若干篇又得
其記一首書於簞沈著雋永意度閒靚無叫囂纖佻
諸習氣知其寢饋也淡且久庶幾乎不漓其真者矣
玉水曰金陵師廬陵余特善其不字句廬陵也余曰
然其詩學中唐余已爲一詩墨其集故不具述述余

所聞及見者以爲敘


賜進士出身戶部河南司主事加一級上海心庵
李林松拜撰



金陵集引

古文之道明理由於通經此事觀其屬辭然則文之
體不一事與理而已矣且夫古之善爲文者其言必
本於仁義發於性情故其詣之極也必醇乎其醇而
後可以信今而傳後是編於詁經見淹雅于叙事見
義法淳古之甚溢爲竒肆而自不失於規矩蓋彬彬
乎爾雅之堂矣夫清廟之瑟一倡三歎古文之微旨
也則余之題是編也又豈在多言乎哉是爲序

賜進士出身刑部主事新城玉方陳希祖書於雲
在軒



自識

曹李陳三人皆海內文章名士超絕輩流者也余入
燕京徵為文藁弁首之文皆樂為之言竊恠夫滿人
入據中國以來有與明之遺民泔復詩札求為集序
或羣聚譏之一例以匪類待之此何見徹滿人固匪
類漢人是 皇明士大夫之餘裔所以應舉仕官而
不能死者與我人將皮幣珠玉拜跪殊庭甚合冤忍
痛迫不得已之心則同耳今青邱一域獨以思明尊
明為大義而至其遺黎子孫則鮮相愛好不欲區別
滿漢豈仁人君子惻怛之心乎况大江以南人士尤

尚名義發於言者皆有苞祐寤嘆之思天理人心固
有在也後之覽此序者幸勿見疑西京東軒湯題

金陵集總目

卷之一

賦

詩

卷之二

詩

卷之三

詩

卷之四

詩

卷之五

內製集

外製集

卷之六

箋狀

啓

卷之七

疏劄

卷之八

疏劄

卷之九

疏劄

卷之十

書

尺牘集

卷之十一

序

卷之十二

記

卷之十三

題跋

雜著

卷之十四

雜著

祭文

卷之十五

碑銘

卷之十六

碑銘

墓碣

卷之十七

墓誌

卷之十八

墓表

卷之十九

行狀

謚狀

卷之二十

日得錄

卷之二十一

詩童子問

卷之二十二

讀禮錄

卷之二十三

書畫跋尾

卷之二十四

書畫跋尾

譜圖

金陵集卷之一目錄

賦

琴賦

樂器賦

秋螢賦 并序

詩

詠梅

晚泊三田渡

送李懋官 德懋 作沙斤丞

泛舟漢口憶故人

九日送李生養直二首

古意

題洪湛軒大容家藏潘香祖書畫卷

柳秘省煥德第觀凌虛道人九龍淵畫障

送成明府士執大中

竹筵歌送洪君履翼

朝牧牛

竹枝詞

酬金國器載璉

寄朴山如南壽

覽鏡

道傍柳

感興二首

杜鵑花

贈國器

杜鵑

樹影

捉熊行

古詞

絕句

吳宮

夜與閔聖能

克大

李汝晦

根

韓子定

象履

訪紫

霞山人

君不見

擬古

訪閔文

光暹

幽居與汝晦子定同賦

夏日幽居雜興

無題二首

桂坊同諸僚讌飲

送宋秀才賢一歸故里

古董閣邀山如聖能黃述翁

鍾五

李元履

顯綬

作

山如宅同聖能權景好

禩

述翁汝晦作

檀園畫

悼國器二首

同柳惠甫

得恭

自龍山溯舟訪朴監役

趾源

亭

居

賦得芍藥

廣陵途中

余嘗扁其所居之堂曰爾雅要姜豹庵

世晃

書

揭此公年七十筆法愈奇妍甚可珍翫也遂
作此寄謝

嘲孫君軒息

題吳大學士載純撰四忠廟碑後

船人謠

山陰換鵝亭倩孫繼馳筆賦懷三首

新安江口贈別

蠹石樓夜宴

曉發公州

丁未夏日遊金山寺入洞口作

洗硯池賦得荷花一首寄沙斤丞南士樹播秀

求和

次韻答沈釋教象奎贈別二首

題芭蕉二首

黃大學士景源輓二首

病起

入德裕山宿禪室屬士樹拈韻

搜勝臺與金知縣在淳士樹閔生君憲範大同

賦

猿鶴洞

山如輓三首

爆竹

祈歲詞

海印寺

影池

雙溪寺

舟下斗湖奉送巡相公入錦山堡

江上花

詠草二首

竹瀝酒

次趙侍讀學士修禊亭韻

日本刀

金匣鏡

贈琴者

石榴花

金陵集卷之一

賦

琴賦

宜寧 南公轍 元平 著

粵神農之上世削桐爲琴繩絲爲絃下方法地上圓象天覽五行而合作取六律而諧和心得之而應手聲動之而被訶凡人之懽愉和佚與夫憂愁不平詈罵怨嗟各引類而互發在聽者之如何若夫按五絃於南風會君臣而合歡此聽和聽也拘於羨里七作履霜此聽憂聽也游杏壇而按調臥陋巷而奏曲此

聽樂聽也鍾期云亡山水斷音文君竊聽綠綺挑心
此聽感聽也江妃訴泣游魚出聽慟羈臣於楚國哭
嫠婦於孤舟曲終人去雨嘖雲愁此聽哀聽也子爲
我兮一彈我促膝而傾聽是日也屬中秋之佳辰江
靜月明沈寥兮日暮而天晶蕭瑟兮霜落而風清爽
氣無朕潛來滿盈撫宮商而撥絃出希音與正聲始
窈窕而舒夷復鏗鏘而幽貞繫鸞鳳之翔舞食梧桐
之琅玕懷古人而不見手摩挲而永歎倏變羽而變
徵卽回調而改譜繁絃迭奏促柱亂步夜鴈怨兮彌
苦寒猿悲兮更長浮空悽愴隨風悠揚森萬壑之怒

吼蒹葭颯其蒼蒼及夫高館閒兮燭滅客將散而夜
冷或嘈嘈而自淒或琅琅而虛警其動愈出其來愈
急迸鐵騎於刀鎗碎玉盤而珠錯惘若失乎獨坐悽
不可兮久居宜陽子愀然斂衽而嘆曰琴信乎在聽
之何如也昔聽希曲何余心之樂也今聽新詞何余
心之悲也昔孔聖亦云其進韶護而放鄭聲哀今時
之不修慨古道之難明夫孰能回俗調而挽雅樂以
繼周孔之制作

樂器賦

猗聖人之制作達天地而洋洋象至理於兩儀法妙

化於五行黃鐘叶夫大呂姑洗諧以蕤賓饗神明而
達和感上下而燭民昔者庖犧氏之作琴瑟也削桐
爲質繩絲爲絃朱絃疏越象乾坤之方圓帝覽鳳兮
吹簫管參差而象翼倕叩鐘而響金夔拊磬而憂王
女媧吹笙體葭灰之噓律伶倫造笛取崑竹之直節
夫樂豈亶然哉琴者禁其邪心瑟者合于正德薰風
履霜之操宣尼繼唱而三嘆虞之德盛矣大哉子謂
韶盡善而盡美其歌九成鳳凰來儀內空受氣之謂
鐘外夷成物之謂磬爰有編特之大小合和金石之
大正笙則上筒下管笛則七孔踈節尊卑不亂大小

和悅聲洋洋而滿耳蔑以加乎盛德匪直音之鏗鏘
而其儀也孔或自三代而世降禮久壞而樂亡哀鄭
衛之不修痛墜緒於濮桑矧中國之一亂吾已矣夫
大樂然周禮之尚在猶可觀乎魯國吾王聖而垂
拱煥乎有其文章合享祀於清廟會朝覲於明堂
尚庶幾乎制作俾復覩夫雅樂原興樂則有道冀益
修於厥德

秋螢賦

并序

宜陽子秋夜獨坐有螢火焉盛以絹囊照而讀書遂
感而爲之賦其辭曰

金風蕭瑟兮玉露團團羅帷兮蕩空菱衫兮覺寒懷
耿耿而不寐兮起徘徊於闌干衰草木之漸腐兮覽
螢火之化生登東山之詩兮著本草之經佳人秋思
兮感漢殿之度影君王夜獵兮聚隋苑而放景其爲
物也至微其爲狀也至小弄花蘂而輝輝雜星宇而
晶晶飛走無常隨處流照修復聚合誰相告召宜陽
子愀然而感曰謂汝爲君子也則姿質鄙薄聚散閃
忽不敢晝見忌大明之赫赫常自宵行類昏夜之出
沒謂汝爲小人也則含光自處暗室不欺似賢士之
修德矐懷明義出必應時同至人之無迹雖無補於

日月進不競乎明光爲長夜之燈燭退處晦而修明
吾將處爾於君子小人之間而誠莫知其何如借餘
光而自照聊助余之讀書

詩

詠梅

一月不出門境深人蹤絕不知梅花落窗外堆白雪
晚泊三田渡

春風裊裊酒旗斜煙水微茫帶遠沙向晚孤舟來泊
岸子規啼傍 獻陵花

送李懋官

德懋

作沙斤丞

中原隨使价內閣屬僚員去路千餘里交情五六年
侵霜驅驛馬候月艤官船君去哦詩好蒼松更在前
泛舟漢口憶故人

黯黯新愁草色連汀洲日暮欲收煙佳人搗練霜侵
院孤客停簫月滿船白鴈皆歸三角北青山多積
五陵邊海門故友遙相憶兩地離情已十年

九日送李生

養直二首

悠悠千里道落落數年別此別難爲心黃花又九日
天晴孤鴈去木落長江出遙望君行處孤舟遠出沒
關河杳不極音書自此絕兩地相思夢覺來秋天闊

憐爾文章絕世稀歲暮悲歌壯心遠百年知己苦難
逢千里思親獨遠歸雨中匹馬穿草去江上孤鴻盡
南飛故園物色如待客九月黃花不掩扉聞道關西
方試士黃金榜出日射輝 聖代卽今求賢急莫歎
君行一布衣

古意

挾弓莫射鴈垂綸莫釣魚或恐音信少漸與故人踈

題洪湛軒

大容

家藏潘香祖書畫卷

簣管墨竹可同羣行草神傳王右軍他方萬里逢知
已太守風流更似君

柳秘省煥德第觀凌虛道人九龍淵畫障
曲曲周迴十二峯亭亭匝出玉芙蓉庶幾此地神仙
遇未覺蓬萊路萬重

送成明府士執大中

五馬明朝發南州作使君佳辰來送客芳草怨離羣
驛路千年險官橋二水分臨歧聊極望城上但歸雲

竹筵歌送洪君履翼

曉天高高復高高北斗旋柄銀河橫金井颼颼梧桐
落紫塞浙浙鴻鴈驚主人無酒送征人獨將竹筵吹
商聲中有至語慰君思聽之莫作氣不平人生不願

作花蘂顏色媚娥隨陰晴人生不願作蚊蠅朝朝暮
暮交經營得意青雲亦一時不然歸去事耘耕丈夫
自有浩然志安能視此爲重輕此筵或作明堂操此
筵或作沮溺歌爲君移作離別曲去去孤舟天一涯

朝牧牛

朝牧牛牧牛堤上草日日草色好暮飲牛飲牛春江
水日日水味美牛方入草飲江水故爲久立不動角
白鳥不知是何獸飛下其背爭剝啄折柳作弓蓬作
箭一發二發盡獲得騎牛歸來橫竹筵

竹枝詞

紅雨絲絲欲濕樓伊人消息日暮洲獨唱竹枝歌未
竟橫塘來繫木蘭舟

酬金國器 載璉

晴煙起處氣氤氳宿雨纔收霽色新十里青山頻送
日每年芳草欲傷神月明樓上初聞鴈梅落床前正
念人莫道知音今世少憑君一曲和陽春

寄朴山如 南壽

京洛春風暮梅花且莫愁鴻聲雲外樹客夢水南樓
一與故人別幾思前日遊無窮懷古意獨坐正搔頭
覽鏡

昨日顏色好今日顏色老昨日雙鬢黑今日雙鬢皓
粧樓朝旭交輝映古井百花紅欲燃以手拂塵摩挲
久重重更見起霧煙人生難得改少年對此安能不
淒然

道傍柳

不向長信宮中生不向宜春苑裏生一樹空立大道
傍去人來人朝暮行青條不能挽遊騎東風惹起車
下塵我生本無離別心一日看盡幾歸人二月三月
陌上路與君作別楊柳前爲言此行覓封侯白馬蹄
疾珊瑚鞭豈知夫君浪子心去作江水東西流去年

忽得錦字來知君買茶淮北遊今年又得君邊信知
君更作江南客不知明年在何處江北江南杳消息

感興二首

我有五花馬七尺身昂然文錦裂爲勒珊瑚折作鞭
一日行千里所向應無前入都未一試屈首廝養下
不遇伯樂過天下豈無馬

我有一古劍十年冶精鐵龍虬吼風雨晶光映白日
寶雖千金直無所用平時於今藏匣底蜘蛛結網絲
不如割雞刀庖廚用之宜

杜鵑花

杜鵑花一年好風來一花開一年惡風吹一花衰明
年三月新花好誰識故枝曾發花人情愛新不愛舊
君不見杜鵑花

贈國器

脉脉若相待迢迢何所尋月生驚鳥夢露滴洗花心
無酒三春暮有懷一夜深城南消息斷誰與聽瑤琴

杜鵑

聞道西川事已陳江南消息欲傷神淡煙衰柳空洲
曉踈雨殘花十里春泣血三年悲孝子喚愁千里促
歸人如令蜀帝英靈在應識巴陵再拜臣

樹影

幽澹如煙外橫斜似水中欲折不得折隨月在西東

捉熊行

小熊伏林穴大熊據野窟小熊食雞豕大熊食人物
雜人交觸逢齒牙當劍鋒去年今年東南縣赤地千
里不成農民方顛連無所寄孳妻攜子逃于四匪兇
匪虎是何獸白日大道恣橫肆食人寡婦與孤兒白
骨委地流血滋人人戒嚴不敢行朝避林藪暮山陲
州縣發卒數十百持弓投石相與獲家家教送丁男
去以火取脂刀割肉爲民除患政所當殺人者死在

三章豈但其掌我所欲直將手刃刺于腸

古詞

莫作江上水願作水中蓮蓮落還復開水流去無邊

絕句

下堂攬明月瑤華空滿手欲贈離居者花間佇立久

吳宮

錦帆不見水漣漪却憶西施醉舞時惟有娟娟亡國

月宮中夜夜學蛾眉

夜與閔聖能

克大

李汝晦

根

韓子定

象履

訪紫

霞山人

露華滋復重林嵐漸微明客來看月約鳥散墮花聲
樓臺悲故夢煙水悵離情逍遙遊物外十載學莊生
君不見

君不見蘇季子困窮歸嫂不炊飯妻在機又不見朱
買臣得意歸里閭趨走生光輝少年貧賤不得志朋
友不知親戚棄一朝得千金躍馬鳴鞭遊帝里酒肉
如山客滿堂低唱淺斟迴長廊公子王孫錯珠履爭
得一言爲榮光由來本自一人身世之愛惡前後異
今日金多殊足貴明日金散何所寄貧賤良可苦富
貴難久期出金換美酒行樂能幾時

擬古

愛花莫摩挲摩挲花不發樂水莫洗浴洗浴水不潔
所以自惜者不願爲人悅

訪閔丈

光暹

幽居與汝晦子定同賦

茆檐微雨送清明有客來過話舊情門傍浦藻多散
鴨樓臨煙柳早聞鶯著書樹下求傳道採藥山中學
養生到此擬歌招隱操問君安得保高名

夏日幽居雜興

閒居當避暑涼簟午風生拭硯池荷動圍碁院竹清
重門無馬跡盡日有蟬聲昭代無才棄還羞隱遯名

無題二首

向晚踏歌弄綵船長干消息問無邊
蛺蝶上釵金嫋娜鴛鴦裁扇錦嬋娟
惜別樹呼堤上柳斷腸花作水中蓮
人說莫愁吾不信江南日日夢魂牽

亂後莫分蘓小家重來何處覓繁華
吳王城上同看月盧女門前獨浣紗
色衰誰能重悅已枝辭猶得再
開花無情最是章臺柳故學顰眉一面遮

桂坊同諸僚讌飲

佳辰衙閣飲張設雜西東
蕉葉留全翠荷花惜隱紅
輕風宮樹近細雨御溝通
遙憶金書記未能此席同

國器時入燕京故云

送宋秀才賢一歸故里

脉脉欲無語悄悄惜相分
寒蟲一夜雨歸鴈重關雲
落拓頻爲客蕭條更送君
此行雖失意不是拙於文

古董閣邀山如聖能黃述翁

鍾五

李元履

顯綬

作

邂逅逢人話茅檐日已斜
前年共作客三月更思家
風落庭梧葉霜侵野菊花
欲將何供具爐火倩烹茶

山如宅同聖能權景好

禩

述翁汝晦作

鐘山寂寞掩柴扉雪後梅花一一飛
幽人欲試青藜

杖十月初成白繭衣非因佳節多招集每到君家不放歸薊門萬里相思苦况復音書自此遠

國器赴燕京故云

檀園畫

曾爲主人寫隱居潑墨南宮得意初記得松壇西下路一林秋雨聽疎疎

悼國器二首

首陽高士世知名喜子風流久托情歲歲青山離別

去都門落日哭平生

前年哭吳士執故云

明朝佳約正慇懃爲掃溪堂共討文小驢來訪城南宅獨有梅花不見君

同柳惠甫

得恭

自龍山溯舟訪朴監役

趾源

亭

居

蟹莊魚舍問前川楊柳長堤澹暮煙明月來時攜遠客亂山多處送歸船借書常有甌中酒買屋曾無橐裏錢惟有熱河三卷記知君天下姓名傳

賦得芍藥

憶昔宣皇手自栽今朝人賞正徘徊龍腦薰成香世界蜂鬚眉落錦塵埃天地有私全與艷雨風無賴竟成灾惟是清平三疊調分明寫得太真才

廣陵途中

夕陽山郭松坡途白鷺飛來遠有無何由喚起倪高士重寫寒江欲雨圖

余嘗扁其所居之堂曰爾雅要姜豹庵

世晃書

揭此公年七十筆法愈奇妍甚可珍翫也遂作

此寄謝

古有爾雅經吾以名我室爾乃草之名雅是鳥之一說文釋二字鳥獸與草木蓋云君子學於此貴多識姜翁年七十草書久知名鍾王雖未及文董視弟兄矧自中原歸博覽長一格因人遂造請數日輸精力自道榜額好筆與意俱適平生一茅屋偃仰倍生色

嘲孫君鼯息

孫生來自半千程鼯息如雷徹夜鳴蹴起但言吾不爾須吏繼出更研錡

題吳大學士

載純

撰四忠廟碑後

昔在 懿陵卽昨世太醫諱疾人心憂 貳極嗟無主
聖人 宗祊凜凜譬綴旒金趙兩李四大臣慷慨
伏閣聯上章 三宗血脉自有真 東朝降綸何輝
煌秉義光明垂日星抗節勁直凜雪霜建而不恃質
無疑 國本鞏固如磐石北門餘孽接踵起內結貂
璫陰禍伏元老定策指爲逆文武舊臣罹誣獄一時

忠良入鈞黨嶺海桎梏禍慘酷堯皇甲辰熙運回四
凶竄殛公無私未幾忽有調停論屈伸消長曾幾時
縱然公議猶在下是非不待百年知後世誰作東京
傳端門已撤姦黨碑於焉倏見歲星周 聖駕謁
陵起感思鑾蹕未迴國東門十行頒宣承宣馳褒忠
白冤寵踰袞乾坤再闢日月明太史吳公大手筆夙
登詞壇主文盟諸生請銘繫牲石其辭一出無改評
楷書莫過洪丞相金爺篆籀如陽冰煌煌大字入鐫
刻龜頭屹屹長不崩古者褒典非一道銘鼎載旂俱
傳後豈如 聖世恩曠絕碑文况得鉅匠手長使爲

人臣子者勸起精忠圖不朽

船人謠

一船去一船來今日又明日幾人去復迴西岸有人
催呼喚湖南巡察使行急交打兩槳來泊岸屏褥鋪
陳猶未及東岸忽復來相告羣山漕運今朝發其行
恨不先此至可奈人一船亦一官家咆哮送吏卒捉
頭鞭脛毆打去但願明府少紓怒區區小人何敢倨
彼亦國事此國事不可爭先以要譽

山陰撥鵝亭倩孫繼馳筆賦懷三首

睡起闌干午景遲行裝一鶴一琴隨印開苔合研朱

盃硯洗雲生潑墨池病裏解官如望赦雨中留客漫
題詩祇今二字亭名在逸少風流欲做之

憂患支離歲月忙官居况復寄他鄉妓裙草色妬深
綠鶯翅楊枝較淺黃碁局無關相勝敗詩樽終亦近
踈狂春來公館閒無事新火新茶試篆香

春風春雨長桑麻湖上青山三兩家新燕淨無粘水
羽殘荷遲有出泥花人九紫蠟賭詩韻妓罷銀箏斂
髻髮但使清樽無限醉任他衰髮鏡中斜

新安江口贈別

故人嘉州去江口來相別十月涼風起蕭蕭鴈羣絕

蠹石樓夜宴

百尺樓臺上將營夜筵張燭闌歌笙佳人舞劍星沉
水壯士吹笳月滿城霸業山河皆北拱亂時兵甲憶
南征卽今藩鎮無烽火詞客登臨賦太平

曉發公州

秣馬人初起霽天星尚流此行知遠別十日到茲州
野闊雲中樹江明驛北樓宦遊悲歲聿曷月役車休
丁未夏日遊金山寺入洞口作

藍輿直入金剛門曲曲尖尖擁翠微青山九鎖客不
到白雲千疊僧獨歸線路縈逢鼪穴爭重林翳與蟬

聲連宮殿嗟我湧金碧營作尚記新羅年萬象森羅
千劫空幅圓慘憺疑鬼神木魚初動齋飯畢脫鞋就
房條夕昏隱几默念忽喪我向來世事安可論向平
幾日婚嫁畢結社廬山苦不早青袍欲換碧荷衣一
餐金丹學仙道

洗硯池賦得荷花一首寄沙斤丞南士樹

播秀

求和

綠臉紅裳千葉重江東春賞記芙蓉自居污濁能超
俗縱有粉脂誰適容香結散鬚金錯落露侵通竅玉
玲瓏鑑湖十里明如許莫使移舟蕩子逢

次韻答沈穉教

象奎

贈別二首

鄉園杳不極日日故人思夜靜蟲聲亂天長鴈信遲
離家多歲月游宦爲親慈猶幸關山別及今年少時
杳杳山川隔依依節物新光陰催客髮風雨惹花塵
世事元難定離懷忽復因登臨一遠望悵悵欲傷神

題芭蕉二首

斗葉芭蕉身尺許淺紅深綠次第栽亂抽却似書千
軸半捲春風又半開

骨節玲瓏葉短長兩封雙緘欲何藏無端學得青羅
扇風自來時夏亦涼

黃大學士景源輓二首

此去湍州百里鄉送公歸葬不雲長人亡故宅圖書
落客散空庭竹石荒謝病朝端無毀譽留名天下有
文章及門可但受知厚父友凋零感淚滂
執紼都門萬事休尚書風采更何求乞骸北闕三封
奏歸夢西湖一繫舟奎閣題名還做宋帝壇躋享
獨尊周無人寢墓三年哭惟有遺編寂寞留

病起

枝上花少開枝下花多落十日閉門臥不知風雨惡
入德裕山宿禪室屬士樹拈韻

攝衣緣側徑禪塔遠相尋千年稱福地一雨繞長林
孤懷樓寂寂衆妙境深深清狂餘宿業徹夜話真心

搜勝臺與金知縣在淳士樹閔生君憲範大同
賦

登高一騁眺山色杳清秋磴徑苔衣滑松杉水幅幽
桑麻通野屋鐘磬聞祠樓何幸游方外提攜盡勝流
猿鶴洞

青山斷處雲起時太守風流琴與碁月明鸛鶴起平
林風靜魚蝦戲清池何必吹笙瑤壇上強學長生仙
術奇昔有至人去避世一揖能讓帝王師樂國樂國

爰得處百年不斷清風吹愧余棲屑五斗祿朱紱在
身將安之叔夜縱知七不堪向平婚嫁苦遲遲流水
之邊多白石古人一去餘屋基何當謝却簪組去一
餐金膏歌紫芝

山如輓三首

江城十月葉飛飛却負丹旌送遠歸不知何處青山
裏草草封君一布衣

欲將何語慰慈親兒哭呱呱亦可憐古今書畫三千
本雲鎖松壇無主人

青楓洞裏題詩處醉後相看盡少年自從國器先生

死又哭夫君未老前

爆竹

歲之十二月除日邑人爆竹傳故俗食殘豆粥掃罷
塵教送丁男斫如積節間汗流火力透兒童却走鬼
辟易大家取薪勝爇豆小家掃糞如打灰青煙滿城
天半白棲烏格磔散飛來老少懽笑遙相望去年灾
盡明年瑞一聲二聲作雷吼故令陰邪皆匿避將迎
陽艷作好春政要炎炎火德熾

祈歲詞

歲戊申元朝余在山清作此篇以爲爲民祈

祝之詞

月正元日稱歲首火盆迎祥作祈辭但願家家長富
足男不啼寒女不飢輕舟作商重船歸大特引犢雞
哺兒麥穗兩歧稻早熟拾綿盈筐蠶滿室秋來及期
償官租賦餘將取作裙襪終年不見吏剝門巷閭安
閒狗不驚莫作賣癡詞人生不願多聰明莫作乞巧
文多才多技吾所鄙古者鄒聖論王道必自不飢不
寒始

海印寺

伽椰之南山千疊曲曲紆迴煙嵐生肩輿朝日訪伽

藍洞天重重起化城林深鐵瓦一狐走風動金鐸雙
魚鳴琉璃殿閣空中出風磨青銅光晶晶中有紫金
十二像舍利承趺若神明紺園結構何壯哉憶昔貞
元始創成蓮花秘字楞嚴經連屋充架百八楹居仁
一夢說荒誕已道方舟浮大瀛江南銅漆月支錦百
萬輸費工巨贏曾聞鳥雀自遠跡歲值龍蛇不受兵
輝煌聖人六經言厥文微奧其道宏芸編尚見蠹魚
蝕烈焰不幸經秦嬴誰令釋氏異教書故作奇讖使
人驚却憶桂院崔學士世亂方知爵祿輕塵寰却忘
是非場去托浮屠藏姓名樂地自有名教中蹤跡但

被囂俗評古人亦有佯狂者下士焉知達觀情千年
人去水雲白悵望瑤壇一遂橫

影池

青珊公子昔參禪却憶羅姬怨別年空留故國娟娟
月學得蛾眉照可憐

雙溪寺

石門東北路透遲十里煙蘿與客期殘鍾曉月圓公
偈疎雨春花太守詩壬年兵火倭氛惡羅代山川佛
氣衰大師真鑑今何去人讀孤雲紀事碑

舟下斗湖奉送巡相公入錦山堡

今朝冠盖下頭流萬壑千峯領略游此去錦州連海
國伴春歌管又孤舟

江上花

一樹幽花在水灣自開還落復誰關惟看啼鳥尋春
到時有行人撤棹攀不向侯門爭富貴偶然生地占
空閒但愁江國多風雨易謝將如減舊顏

詠草二首

淺青深綠織如煙十里江光斷復連待人不至邯鄲
道留與春風對醉眠

原上離離原下稀暗香無數撲人衣年年謾被風吹

綠祗是王孫久不歸

竹瀝酒

麴糟和竹汗三日土瓷香楚郡斟庭橘蒲城釀井桑
易醒滋渴口宜病潤枯腸攜向鵝亭飲臨流洗羽觴

次趙侍讀學士修禊亭韻

風流追禊事亭榭百年荒洗硯雲生墨汎觴荷送香
衣冠思晉代山水似吳鄉獨去尋遺蹟篇成意自傷

日本刀

日本刀日本刀銀絲縫玳瑁韜霜氣稜稜青萍合萬
里來自海滔滔憶昔神皇萬曆中干戈南方八年

騷社稷蒙塵城不守痛恨青丘泣民黎嗚呼安得
猛士兮奮此刀一去海國斬鯨鯢

金匣鏡

錫貢日南國千磨出冶工風生初舞鳳月掛欲盤龍
洗玉明泥海薰金起霧峯莫逃魑魅狀共照媼妍容
妙術看修鍊神功驗鑄鎔保身明且哲終見就侯封

司空圖作容成侯傳云
既明且哲以保其身

贈琴者

石上泉流滑松下風吹寒抱琴七十翁不爲俗人彈

石榴花

裁破紅綃箇箇團乍開方吐壓闌干風吹舞袖香初
散露濕粧腮淚未乾後時富貴應無限盡日芳華不
厭看萬里河源來入貢乘槎何日到長安

金陵集卷之一

金陵集卷之二目錄

詩

爾雅堂招述翁暨元履君憲作煖爐宴

歲暮寄元履

春日李佃至

詠禁城柳色呈燕巖

贈成秘省士執要和

訪芝山樵夫

沈石田秋山欲雨圖

訪懋官二首

集懋官朴次修齊家夜讌北館兼送海南李使

君

春日北渚醉歸明日元履有書相問寄謝

聽鐵琴

述孝子 贈持平芮公節孝一篇贈嗣孫秀謙

先輩

草書屏風行

謝人送兔毛筆

題李從邦永海莊詩卷二首

元履以其大人知縣公花甲日具茗饌爲壽乞

余爲詩

已酉除夕獨坐書感

將赴任實暮過八嶺

月夜與李生步至百梅園梅是鄭寒岡先生手

植也

寒碧堂觀劍舞

十三夜月色明甚

船離謠

蜘蛛篇

元履子定至拈韻

送君憲入燕京

大雪贈畫梅者二首

寶刀

紅粘裏

美人蝴蝶扇

鄭老銓今年六十餘矣喜其強健書以壽之

次陶靖節飲酒十首

題楚亭幽居

舟次露梁拜謁定齋朴文烈公書院

黃驪泉歌贈別徐君弘秉

蒔花

春日遊青楓精舍乃是仙源金文忠公舊宅也

入拜遺像感賦

邀成士執評定文藁寄謝

送宗人向之還花山故林三首

題顏真卿所書麻姑山仙壇記後

簡成士執三首

約青城燕巖及李元亮明淵賞花北營適有病

故未出錄奉絕句二首請正

惠甫自熱河還投示紀行詩註題後三首

唱第日陪 駕至洗心臺恭和 聖製二首

太液池賞花釣魚 御製聯句 命閣臣近侍

及儒生賡和賤臣以新恩兼史特許與宴

大殿端午帖二首

與徐直學士有防徐汝成鼎修金士源祖淳承

召入內苑拈韻聯句

洪靖惠公象漢宣謚日 上賜宸章以侈之賤

臣以閣臣承 命賚傳仍與宴和韻

摘文直廬與銀臺諸僚及徐慶世榮輔學士設

餞送成明府士執

銀臺直廬次唐人詩韻簡慶世

春帖子二首

端午帖二首

與徐慶世承 召曝曬閱古觀書籍 上自內

苑親臨仍蒙賜書數百卷恭志感激

內閣直廬述卽事時承 命校歷代詩集

癸丑暮春賞花釣魚于內苑仍續蘭亭故事應

製

春日孫老景輝至

李提督致祭日下 御製于銀臺 命賡進與

林叅判

濟遠

李承旨

書九

洪內翰

樂游

共賦

春日天香亭陪

宸遊同鄭判書

民始

徐學士

汝中

龍輔

徐檢校慶世恭和一絕簡示尚書

省翰苑諸公

二月二十四日太液池陪賞花釣魚退而有吟

端午帖二首

春帖子二首

讀韓信傳

慶世自謫中承

命差慰諭使兼視耽羅轉運

之役賦一詩寄行

陪 駕登華城將臺觀夜操應製

乙卯閏二月 上幸華城行宮奉觴 慈宮仍

宣饌百官又命 賤臣及諸近侍叅夜宴恭

和 聖製

陪 駕登北山賞春應製

賞花釣魚同諸閣臣賡和 聖製疊北山韻

三月十一日承 上命大臣閣臣卿宰供帳北

山追修朴靈城

文秀

諸公舊乙卯賞花故事

相國洪公

樂性

命疊前韻馳筆以和

乘夕與徐汝中諸學士攜琴笛更遊弼雲徐記

注俊輔亦至

芙蓉亭同閣僚侍宴

夏日直摛院急雨忽霽神夢爽豁志懷一首示

李景深始源學士

秋日與柳承旨匡天伴直銀臺柳乞故林福興

閒居詩文原韻以贈

題錦雞小屏

送崔水部夢岳歸鳩林故居二首

秋日為迎慈駕出過鍾巖仍憇醇庵吳文靖公

舊庄余於童子時陪先君僑居此庄漁釣嬉

遊歷歷可記而今近三十寒暑矣前時父老
幾盡無餘而文靖之墓草已宿感詠一律以
識之

景深以閣臣充御史試才江華拈簡齋韻追寄

去年余有島中遷謫之行

風雪憶南湖樵夫

正月二十一日 顯隆園誕日 車駕展謁仍

和相臣呈韻以下與士源景深徐準平有集

賡進

具綾恩允明致政宣麻賜詩以寵之與諸公賡

和

中和節頌尺公卿近臣恭和 聖製

題翰苑西壁

春日與士源景深拈唐人韻共賦

贈判書尹公琰 遷葬輓二首

寄元履

金陵集卷之二

宜寧 南公轍 元平 著

詩

爾雅堂招述翁暨元履君憲作煖爐宴

廊空月流黃閣寒梅落紅博山燃螺甲分帖書畫工
尚憶嘉陵酒飲量過前逢柑橘耀青盤焚肉沸凹銅
戴笠妨環列回燈面重重

歲暮寄元履

東街嫩雪未消泥北陌陰霏又漲堤夢裏約僧游嶽
寺閒來隨鶴度雲溪文章久愧添蛇足歲月長愁奔

馬蹄故友江關成死別梅花落處思淒淒

結句悼山如聖能

春日李佃至

閒居養病瘵薄官門寂寞楊柳日長綠花開微露滴
十日始開戶對此還獨酌好事莫如君偶然來不約
容鬢漸疲皺衣中亦弊落守素癖詩句妻子甘藜藿
誓不謁公侯屑屑事干囑喜茲有素心晤言日將夕

詠禁城柳色呈燕巖

迢迢春恨倚樓時碎雪鋪金蕩萬枝觀柳莫如從遠
望定無期客若相思

贈成秘省士執要和

揮塵清談日欲分重尋京洛喜論文故鄉久別羅先
輩近館時逢李使君吏退公庭花氣合酒醒林閣麝
香聞校書外省身將老宦業還同古子雲

訪芝山樵夫

暗逐樵歌訪遺逸先生厭世入山深有時種玉來花
塢忽復逢僧話竹林秘字石間應有分明珠滄海久
無心溪迴路轉重封鎖不許巖扉俗子尋

沈石田秋山欲雨圖

漠漠秋陰木葉稀雙雙鷗鳥截江飛嶂煙浦靄漁樵
路日暮柴扉候客歸

訪懋官二首

經年離別欲沾巾，卽地相逢已餞春。
啼燕流鶯如訴客，落花垂柳正關人。
髮斑變却銅中面，印綠堆成案上塵。
知己惟存成秘閣，巷南溪北好爲隣。

竹簾斜照纈羅紋，情話重重復見君。
愛畫喜摹元代帖，釋經無汰漢儒文。
落花撲面渾疑雪，高柳當窻不礙雲。
墨綬無端頻去住，可堪知舊各離分。

集懋官朴次修

齊家

夜讌北館兼送海南李使

君

故人游宦別京城，高閣張燈酒氣清。
滿地落花當舞

席隔河流水咽歌聲，三春海戍人南去。
五夜天河鴈北征，千里定知逢使少。
座中休惜到天明。

春日北渚醉歸明日元履有書相問寄謝

北山春賞醉昏昏，傾盡村醪繼野樽。
覺後尚思眠竹徑，歸時誰送出松門。
座中慢老寬忘禮，路上逢人怪疊言。
明日解醒相寄問，故人情意尺書存。

聽鐵琴

銀漢耿耿霜稜稜，西樓月色明如練。
江干一叩銅線絃，萬籟颼颼菰葉戰。
於虜庖犧忽焉歿，尼父文王懷不見。
此琴初傳利瑪竇，來自西洋萬里國。
宮商太清

羽徵激振如鳴金如戛玉花底鶯語泉聲咽谷裏猿
嘯木葉落刀鎗突迸鐵騎馳百萬金鈴碎玉盤餘音
轉作殺伐聲曲終歎息淚闌干卽今中國混夷狄腥
羶滿目禮樂崩師襄舊譜邈不傳羯鼓蘆笳哀弗勝
西方主殺金屬刑陽消陰長驗至理聖人制作何偉
哉大音洋洋四海治琴兮琴兮關盛衰緩絃促柱隨
正變已矣西周覩雅樂煩君停彈重罷宴

述孝子 贈持平芮公節孝一篇贈嗣孫秀謙
先輩

記昔傾盖建德坊一別金陵二十年今秋淹痾城南

第弊褐重逢雪滿顛知君舊是節孝裔請邀龍鍾闡
揚筆幽光發揮吾何敢但將一二爲君述侍寢嘗藥
人所同血指延生行尤難復聞虎豹引獐肉冰笋冬
鯉誠一般後世誰續三綱編二子聯書應不愧煌煌
憲臺 貽贈誥抱此亦足歸墳隧嗟君孝思猶未足
遍交詞林謁文字十束牋幅充篋橐祭酒尚書具狀
誌千里纏脚遊京師肯逐世俗干名利間闢旅食無
戚容計日求詩踵吾門可但前輩行秀異感茲承家
有賢孫

草書屏風行

昔有石峯韓道人平生草書擅海東時當 穆陵龍
飛日作成人材際會隆東臯詞翰石陽畫世稱三絕
俱妙工騷人酒徒日滿堂掃盡牋麻繼絹素不知何
年寫此屏我今得之崔少傅斜風驟雨颯起滅落花
飛雪紛散聚恍惚如聞鬼神泣時時但見龍蛇走小
如蠅頭大如鴉筆醉墨舞錯列行蘭亭真帖瘞鶴銘
古來幾人得盛名啓南徵仲不足數直與米黃較弟
兄嗟哉近世何寥寥不聞詞苑擅絕藝豈是俗尚不
相及但見滔滔工利勢二百年來看紙本墨色芸香
和感涕

謝人送兔毛筆

兔毛筆兔毛筆尖如錐利如刀中山族產多白兔每
歲宣城貢紫毫毫輕如此工則重十束千束棟一毛
太平天子朝元日金馬玉堂握管侍天子朝元金馬
玉堂皆是筆名
故引而
用之每一奏牘天笑新滿袖香煙詫恩賜解撰絲
綸太史臣抗論謨猷樞密使問君持此銀弗律如何
相送縣官家少日自許工鉛槧今朝無復筆生花豈
合雜處朱墨盞細字東閣困簿書每看時時裁赫蹄
起居眠食問何如

題李從

邦永

海莊詩卷二首

記昔名山約尋君卜地幽香風團藥圃晴雪淨書樓
松色連峯巘蘿陰映澗流四明山水地勝處一過遊
經夏營茅屋書傳估客船起居閒竹石排置澹雲煙
土甕收香林山盤供雪鱒羨君超世志江海送餘年
元履以其大人知縣公花甲日具茗饌爲壽乞

余爲詩

昔公未四十照鏡白毛鑷今公已六十爛爛紅浮頰
梅花近歲臘高堂值甲周謹譁合朋賓錯列散兕籌
天心厭齷齪造物與澹泊滔滔皆利往莫如公寡慾
十年再破產江干客棲屑晚乃從祿仕十起九顛跌

勝負任自然榮辱一欣戚纖芥去滯胸軒冕無流矚
世人譬膏火煎沸如熬湯經營損榮衛慕想疲肝腸
大命有天定人事被陰隲好惡豈會異報應真可必
公飲盡一斗公步若飛仙不飲菊潭水不服丹砂研
終知養生術莫如保天真

已酉除夕獨坐書感

孤燭照空壁寒風蕩幔帷攬衣循東廂不眠竟懷誰
唧唧蜘蛛墮蕭蕭鴻鴈離起伏倏千念浩穰來萬悲
抱憾惜宵分撫壯嘆歲移少日徒懷志壯年竟荒嬉
力耕驕稂莠學道迷藩籬歎息復歎息鬢髮俄成絲

將赴任實暮過八嶺

嶺路深深纈百盤峯巒抽笋倚棧關馬首指看煙霧處暮行僧衆涉冰寒

月夜與李生步至百梅園梅是鄭寒岡先生手

植也

明月照寒水截梁與子步梅花一本向人如鉛素高人不可見歎息空懷古抄林澹薄雲晴池浥寒露長嘯復短歌先生讀書處

寒碧堂觀劍舞

紅粧輕快舞回旋氍毹風吹罨玉鈿來去春蛾迷彩

燭浮沉秋燕掠華筵遲迴下手晴潛電倏忽回腰霧罷天共說公孫傳劍器尚思張旭學書年

十三夜月色明甚

十三明月照闌干一道琉璃對碧山遙憶廣寒清爽甚似聞鸞珮戛珊瑚

船離謠

礮舉兮船離此時去今何時來萬頃滄波去似迴此曲傳來二百年聞者爲之心自哀高閣匝張羊角燈別館淺斟琉璃杯清歌妙舞都護府吹竹彈絲巧呈才夜闌別掃清池曲春風徐動錦纜牽紈扇玲瓏裁

翠羽氈笠回旋胷玉鈿粉黛東西分兩隊上船曲終
俄下船咫尺忽起萬里思手杯不知酒墮筵憶曾弘
光在南都時事中原變滄桑崖海之舟尚未覆後史
特書宋不亡况又隆武暨永曆舊臣擁戴稱三皇若
使當時具歲幣一帆登萊指大洋水中縱爲魚腹葬
青邱義聲天下揚座間偶有語此者仰看星河倒影
長暫憑短曲懷已惡尚想去留愁彷徨

蜘蛛篇

浮處懸獨星千尋任風隨掀脚呼小蟾抱足見長崎
十日構尺網向夕吐寸絲撲翅迷蝶子胷鬚打蜂兒

晨夜自獨守風雨不能隳空蕩猶絆身嚴密似凝脂
占喜傳陸說舍譏戒翟詩忙手施網紀滿腹輸巧奇
夜冷聞疾梭露下漏細節來去費經營吞吐隨飽飢
專利異蠶宿役智歎豸罹覽茲悟物性拈韻綴短詞
元履子定至拈韻

半載休官便買閒角中逢處破愁顏燃香隨手箋秋
水潑墨凝眸畫暮山落落久知終會合紛紛各自任
回還黃花書屋寒蕭瑟燈一人三話此間

送君憲入燕京

萬里人歸一弊裘行裝輕快莫遲留衣上寒花遼海

雪馬頭煙樹薊門秋書記方求名下士文章不負夢
中遊聞說圓明園裏戲九枝燈火壯皇州

大雪贈畫梅者二首

點葉圈花讓祝文發梢抽榦孰如君較量長短方濡
墨一樹濛濛碎片雲

呼煤捉筆攬香風頃刻絹窮大雪中今古畫梅誰擅
譽癡劉顛米較雌雄

寶刀

銅鈕粧銀甲塗鞘耀石鱗雨濕長斑血風旋忽裹身
脫匣抽江水揮空淨野塵珍重床頭在留看出塞人

紅粘裏

剪裁紅線縷輕快製戎裝羅帳翻猩血錦籠襲麝香
能看分火焰自與競春芳橐鞬知安用昇平息戰場

美人蝴蝶扇

春園萬花開蛺蝶日來近美人紅羅扇巧搦一雙粉

鄭老

銓

今年六十餘矣喜其強健書以壽之

翁年六十已回庚嚼肉吸杯輕後生魁榜五場冠國
子齊名一代有家兄燈前自作秋蠅字枕上能分夜
雨鳴醉讀離騷如憂王巖阿松桂咽寒聲

文陶靖節飲酒十首

余於詩最愛陶於陶最愛飲酒詩鍾伯敬曰
觀此寄興托旨覺一部陶詩皆可用飲酒作
題余平生不飲酒而此篇極帶了飲酒意思
真所謂天下之好飲無在余上者興到而作
趣盡而止僅得十首錄之如左

寒暑五代謝日月自四時去日不可追來日猶可期
大道患不求求之有餘師達人與道謀固守不復疑
下士爲物役聞茲大笑之

北海有一士採薇在西山求仁怨用希聖者有微言
特立而獨行飢餓以終年積善自有報清名竟誰傳

大道喪千載滔滔循利名堯舜世已遠自餘不足驚
蠅營又狗苟誓將謀一生一生雖自謀百代竟何成
此義久不陳嗟哉道難行

我昔浮于海南登方丈山蜻蜓杳千里開國一何偏
以手執筐篚靈芝採採還縱未學長生聊復遠俗喧
呼吸望日月端倪見乾坤

日暮採芙蓉浥露掇其英山中有高士肯與世忘情
魯郊麟已死周岡鳳不鳴道衰吾已矣取醉壺自傾
念茲循廣除東林白月生

北山有松樹挺直干雲姿南山有竹樹青青傲霜枝

愛此品操堅摩挲聊復爲士窮抱高節歲寒乃知奇
吾生本放達豈合繼馬羈

咨嗟思古人孔轍何棲棲美哉河之水洋洋路已迷
不容亦何病大道與時乖豈因身不行斯文遂汨泥
返魯刪詩書緇帷日闕開吾黨七十子斐然同我懷
况復育英才陋巷得顏回孔貧與周富憂樂不可諧
日長自愛惜夜短自悽惻昨見春花開忽覩秋葉落
人生苦無成少壯已非昔歲月倏其逝今我胡不樂
飲酒宜取醇結友宜取益

雪涕復何爲矇矓天久醉四海爲罽籠彝倫失敘次

不知椎髻恥焉識衣冠貴未掃腥羶氣難聞馨香治
匪風與下泉讀者當深味

昔在結繩世民俗一何淳一朝聞鬼哭血雨散天真
息息接三代文教暫復新大樂靡鄭衛陵夷逮狂秦
阿房一炬火六經蕩灰塵劉項事戰爭所用皆武人
尚賴諸學究用心頗慤懃閩洛得正路洙泗接去津
寥寥千載下濟濟多衿巾雖無親炙士猶不失其親

題楚亭幽居

酒鱗人面影重重六月風來五鬣松碧水芙蓉高太
史墨池煙雨朱南宮徒言冀北無良馬誰識隆中有

臥龍小屋如舟閒去住去年新買玉駝峯

舟次露梁拜謁定齋朴文烈公書院

明陵已巳用羣壬誣逼 坤宮釀禍深當日破殘奸
賊膽浮雲暫蔽 聖王心長留青史昭公議一洗丹
書渙德音芬苾春秋祠廟舊百年哀淚欲沾襟

黃驪泉歌贈別徐君

弘乘

徐君朝日策馬至話別怱怱理短裝云是黃驪出醴
泉盍往飲之滌病腸一時此泉遍人口述異搜奇來
四方恨不輸入大明記菊潭久列掇骨方流似線縷
瀉潺湲聲同珮璫鳴鏗鏘一酌二酌至百酌聾瞽聰

明跛躄行去年嶠南苦旱涸圭璧壇隍勞祈禳舊井
污泥愁不食其雨其雨怨朝陽饑饉因之多癘疫哀
我蒼生逼死亡味泐已知當膏丸餘潤自足助鋤鑿
人言此泉天所予歌未竟闕起拜百靈貺畢臻 聖
王世皇天方降川至福萬品回蘇樂湛恩羣性欣欣
流玄澤上及太清下生靈不煩貢獻和飲食於是醴
泉滾滾出黃髮遐齡歌耕鑿此事曾驗瑞應圖此說
吾聞鶡冠子桃花綻紅梅花碧煎茶方思惠山水煩
君雙屐到溪灣試將一斛輸清美我亦一生念金丹
未伴君行淹枕几

蒔花

栽花一百樹活亦一百株十日一疏鋤五日一灌盃
根鬚縈拳石如筋絡人身西閣甚靜聞又值一年春
居閒念養性抱痾思怡神晨起命兩傭裁書乞東郭
一雨接芒種黃赤喜土石萌蘖始一寸蓓蕾漸萬蒂
須臾香世界臙脂澹無際榻屏蝶粉落掠簾蜂鬚細
經冬耐蕭索庭院倏芳華去年雪作殃穴壙死百芽
耽羅少橘柚荔支斷商船當時此花叢萬本餘百千
尚賴及時節多費培植功造化豈異施生地自不同
一樹活好雨一樹死惡風物理元如此細推互究竟

或云人所力或云花之命二者吾何知一觴復一詠

春日遊青楓精舍乃是仙源金文忠公舊宅也

入拜遺像感賦

摳衣恭肅拜祠堂欲說當時淚萬行心誓殉邦如皎
日鬢因憂世半清霜國論今日人情見天醉百年胡
運長今古夷齊生伯仲牽連汗簡并爭光

邀成士執評定文藁寄謝

朱圈黃籤卷帙紛嗜痂殊性謬云云自然窮者能工

語誰識斯人乃定文

梁書任昉傳昉作文必使王儉
點定附几數日後世誰知斯人

定吾文
云云

花蘂送香清晝永燕鶯無恙一春分覆瓿堪

笑談玄士并世吾今有子雲

送宗人向之還花山故林三首

悽惶作遠客迢遞柰如何親戚自情話別離當浩歌
孤懷汀草色愁緒野雲多春菜傳盤好息息節序過
南浦漁莊畔西橋酒店前艤船楊柳月驅馬杏花天
骨肉情何極鄉原望杳然音書常遠寄吃飯飽殘年
婉孌將分手蕭涼欲灑中旅遊知有伴送別悵無人
江國隨魚妾雲鄉逐鴈賓花飛近冷節匹馬懷思新
題顏真卿所書麻姑山仙壇記後
麻姑仙人年十八乘雲御風下人間東吳曾過蔡經

家一與王遠相往還鬢髮椎髻進行廚狼藉玉杯和
金盤自言前身換胎骨東海三回變桑田蓬萊半淺
遙會水陸陵將見行大船又能念人心中事握米擲
地化丹鉛烏爪肯教爬背癢捉頭牽脛怒下鞭故事
收入神仙傳述異得自葛稚川至今撫州南城縣按
考圖經得醴泉盖有麻姑修道壇中有紅蓮變白蓮
石崇臺觀高百尺先天螺殼石竇懸後有道士鄧紫
陽神術擅名開元年承恩召見大同殿龍車虎駕迎
儀備天子自此嚮道術增修仙宇埋玉笥神仙之說
誠荒唐道家修煉傳秘奇魯公舊是汲古士摩挲遺

跡載石碑金薤濃澹映纖波鐵筋屈折潑凝池榻刻
跌毀虫鳥錯紙本蜿蜒蛟蛇馳古來何限擅筆妙此
書直做王羲之周鼎晉犧不足寶逼真神手工虞戈
歐陽嘗撰集古錄品評金石細刮磋楷法妙絕瘞鶴
銘更勝石鼓拂白科棊几晴窻止唾涕身領僮奴雜
裝潢此本知有神護呵兵火無恙閱風霜汲冢書門
侔奇異崩崖焚闕經收藏千載輪回歸吾室牙籤玉
軸新煌煌欲將硬黃摸數本肯教寒具重汗傷嗚呼
魯公不可作古香嗅來感涕滂

簡成士執三首

牕角聞春鵲燃香拜賜詩卓然名壓世久矣命違時
明月書樓笛微風酒肆旗小官容放達隨處樂遊宜
落紅花點屋嫩綠草鋪茵詩畫招名士床帷淹病人
蹉跎惟此事寂寞送殘春年少何時再惡懷自濕巾
偶因金石錄評品入騷吟倪趙慙清賞韓蘇推雅音
先生真戲語薄俗孰知心懷古寥寥意回首撫瑤琴
約青城燕巖及李元亮明淵賞花北營適有病
故未出錄奉絕句二首請正
今日送春獨掩關去年春盡淹湖山人樂事如花
少欲買清遊便買閒

柳堤花港送行春長日蒲團淹病身他時蠟屐重遊地軟碧殘紅不待人

惠甫自熱河還投示紀行詩註題後三首

紅石嶺西避暑莊英雄微意此經營東人不識居庸路釋品新書記職方

寵花嬌柳蕩龍舟綠臭丹香起綵樓十日圓明園裏戲昇平寶筏演西遊

兩峯畫意墨莊詩酒肆茶樓贈別時故作端門問字狀莫將揮客冷人疑

唱第日陪 駕至洗心臺恭和 聖製二首

紅旭呼金榜笙歌匝地喧千年稱福地暇日侍名園花樹烏紗映雲林鳳輦尊何由酬 聖渥長獻斗南樽

三月清明草色妍氤氳和氣滿絃埏春光極是繁華地雨露偏知造化天攀桂侈榮鸞吹動穿楊觀德鵠幙懸美譚不羨瓊林宴秉筆簪花厠法筵

太液池賞花釣魚 御製聯句 命閣臣近侍及儒生賡和賤臣以新恩兼史特許與宴

內苑歌魚藻前池有鳳毛御製渥隆侔化育材薄愧賢

豪臣載密邇恩偏沐空踈報蔑毫臣浩職親而地比

海闊與天高臣秉模靈沼潛鱗泳薰庭瑞鳳翻臣祐源獸

候齊晚樹飛閣俯清濤臣龍輔恩露沾黃帕天香泛綠

袍臣東浚三抽階上莢一結海中桃臣行德倚馬才慙漢

觀魚樂勝濠臣榮輔龍樓騰頌祝鸞掖盛逢遭臣有榮虞

殿歌元首周廷顛俊髦臣公轍其爭觀正直既醉戒吹

號臣尚愚法醞斟鴻化和賡與燕遨臣淵常帆開橫水鷁

花擁戴山鰲臣有本日表瞻衣尺天章拜袞褒臣有樂瑤

徽流玳拍繡勒出仙槽臣有棐涵泳均魚鼈光華動羽

毛臣東晏便衣承曠遇句樂政豪嘈臣應奎酒氣瓊流液

春芳雪泛豪臣俊輔春歌禽在樹庭舞鶴鳴臯臣任輔雅

奏分花嶼青衿遞畫舫臣魯益詩書媿業拙酒食飽恩

叨臣魯豐特許遊觀遍皆忘步屨勞臣魯任聖慈偏覆燾

痴駿亦甄陶臣宗瑜細草承天仗飛英近御膠臣應輔流

鶯分枝嘒鳴鵠入雲翔臣鳳輔偶爾中紅的樂哉醉碧

菊臣耕輔感深登玉漱恩重詠花毫臣台容

一席渾和氣家人視爾曹臣御製

大殿端午帖二首

綠雨初收麥穗黃浴蘭佳節屆端陽水分玉井沾新
渥雪疊香羅受早涼功洽撫辰歸造化運回亭午極
文章無憂不獨周王美衣尺方隨瑞日長

冠珮趨丹闕蓬萊曙色濃香蒲頌近侍嘉麥賽先農
堯陞歌千一漢廷頌四重 殿宮騰喜氣熙運幸遭
逢

與徐直學士有防徐汝成鼎修金士源祖淳承

召入內苑拈韻聯句

偶因摛院會仍作禁垣遊元禮琴尊聊永日樓閣不勝

秋成汝宮樹粘新冷御溝入細流元平燕賞知 聖賜丘

壑老當休士源

洪靖惠公象漢宣謚日 上賜宸章以侈之賤

臣以閣臣承 命賚傳仍與宴和韻

主第秋晴捲綺霞嘈轟仙樂自天家銀屏百疊排樽
所摠寫深紅富貴花

摛文直廬與銀臺諸僚及徐慶世榮輔學士設
餞送成明府士執

綾被淹豹直梅花近歲元柑橘耀青盤焚肉酒盈樽
倥惚喜休暇欲別重贈言大雅幸復作習俗醇且溫
風行渙文章義易垂至論豈我為異趨此言聞弁園
世儒但喜事擾攘壞法門 聖語賴日得薰沐荷慈
恩此酒謝吾過大醉至夕昏紅氈雜俎歷僚屬忘卑
尊餞筵為君設報答其敢諼去矣成明府珍重保塞

垣

銀臺直廬文唐人詩韻簡慶世

十六明月好青綾喜同省暝色宮闕迥露華林木靚
文章如造化浩渺逢茲景海內賞音少相對懷耿耿

春帖子二首

青宮睿學仰生知朗誦麟睢六義詩親掣彩毫書滿
紙太平千歲字淋漓

青陽左个報新年鸞路蒼龍月令宣天保九如無限
祝石渠臺榭揭春聯

端午帖二首

鸞佩鏘鏘上玉墀龍樓喜氣近臣知前宵麥雨宜時
節漑我公田又及私

飛鳴黃鳥瑞暉遲浴罷菖蒲進綌絺不待賓師開講
席銅闈先誦葛覃詩

與徐慶世承 召曝晒閱古觀書籍 上自內

苑親臨仍蒙賜書數百卷恭志感激

秋日一繡閱緋衣促朝赴天香忽復近步輿爲暫駐
東西分兩廂甲乙羅四庫牙籤標書穴綈裘見墨莊
鑑賞分已極賜予聳班行車書愧皇甫家實倣歐陽
幸不送瓶酒無復割俸錢如何螻蟻身叨茲 寵光

偏退食脫袍靴領奴文什編條爾石鏡藏端不讓蜀
山倥傯少暇日但恐無窺斑摩挲几案間亦足警嬾
頑

內閣直廬述卽事時承 命校歷代詩集

玉堂今夜清如水斐几晴窻翰墨香豹直青綾編日
得龍圖銀燭校雲章筆還五色詩思盡俸得三分異
籍藏臆說未宜加點竄丹鉛不得下雌黃

癸丑暮春賞花釣魚于內苑仍續蘭亭故事應
製

蘭亭追被襖龍池陪豫遊煙花迷複道雲松疊彩樓

四十人相符廿五甲又周鶯語諧管吹柳拂學蓋張
絳水傳玉俎清洛做羽觴薰濯裁春服昭回見天章
分排命招呼企極念陰晴袍靴就院廊一雨驟昆明
春物改昔賞朝興互呼嶸矧茲方塘水可占千里遍
天顏一解笑衆矇欣自見別館排處所分竈重開宴
揮毫香滿袖洗硯雲潑墨風流聞王謝千載想眉目
隱淪豈樂爲遭際良可惜幸今值 聖明鑾掖設此
筵端芻替揮塵嘉話易談玄金紫列豪英韋布間少
年承歡醉無歸山日匹許多臣欲舉一觴聊以酌永
和臣欲復一詠留作太平歌

春日孫老景輝至

野人來不約微雨杏花天短髮逢佳節東風似去年
祭餘留熟食朝罷試新煙却憶郊亭醉笙歌共畫船

李提督致祭日下 御製于銀臺 命賡進與

林叅判 濟遠 李承旨 書九 洪內翰 樂游 共賦

東人尚說出師時北苑榛苓仰 御詩萬曆紀元書

祝版秋風來讀李公祠

春日天香亭陪 宸遊同鄭判書 民始 徐學士

汝中 龍輔 徐檢校慶世恭和一絕簡示尚書省

翰苑諸公

步輦行春賞苑花今年花較去年多黃封酒力如恩
重太液和風漾綠波

二月二十四日太液池陪賞花釣魚退而有吟

朝日書香閣春風太液池物華欣此日 天笑供多

時甘露金杯重晴雲錦纜遲南山指獻壽歡樂侍臣

知

端午帖二首

小暑承華長綠蒲自天甘露和醍醐侍臣搨進宮紈
式箇箇汾園百子圖

天中佳節屆長命續千絲方獻四重頌卽逢千一期

紵袍頒已遍金鑑照無私慙乏歐陽帖華封效祝詞
春帖子二首

上元今日卽迎春薦菜祀膏節物新二紀馨香陶鑄
化藹然天地發生仁

千官冠珮競呼嵩愛日知年 聖孝隆清曉 闕宮
將有事六龍駕出五雲中

讀韓信傳

一飯之德何足償婦人之仁固偶然簞食豆羹形諸
色七尺丈夫還可憐推食解衣真望報當時喫着漢
王恩居代枉教陳豨叛載車追悔蒯徹言善處功名

人所難起自行伍安足論

慶世自謫中承 命差慰諭使兼視耽羅轉運
之役賦一詩寄行

默計歸程幾日逢內園梅酒似春濃湖山落照人千
里橘柚寒雲水萬重香祝鮫宮勞 御押恩綸蜒戶
損常供此中漸覺離思苦共憶延英待漏鐘

陪 駕登華城將臺觀夜操應製

經始爭來赴築斯不見勞一城如許重衆嶽讓其高
火樹周遭遠旗門號令豪 聖人知位用金甲詠同
袍

乙卯閏二月 上幸華城行宮奉觴 慈宮仍
宣饌百官又 命賤臣及諸近侍叅夜宴恭和
聖製

金尺呈才景籙新獻桃歌進卽芳春中堂稱爵呼千
歲大邑移鑾浹一旬賜帛悉從長樂殿插花皆是太
平人華封已效多男祝肆觀還同二月巡

陪 駕登北山賞春應製

陪鑾今日又登臺南樹花兼北樹開不是 宸心懷
燕賞華筵重把乙年杯

賞花釣魚同諸閣臣賡和 聖製疊北山韻

北山遊賞續春臺今日花如昨日開但願百年叨此
宴春風長醉太平盃

三月十一日承 上命大臣閣臣卿宰供帳北

山追修朴靈城 文秀 諸公舊乙卯賞花故事相

國洪公 樂性 命疊前韻馳筆以和

疊花稠柳見樓臺高處重重列幄開風流較昔誰多
少復醉宮筵賞釣杯

乘夕與徐汝中諸學士攜琴笛更遊弼雲徐記

注 俊輔 亦至

移眺西園晚管絃得地深鶯歌春雨澗鸛集夕陽林

簪紱昇平世杯樽丘壑心燕遊知 聖賜歡樂頌當
今

芙蓉亭同閣僚侍宴

露華移錦纜明月在磯竿花動知魚戲風妍聽鳥歡
笙歌圍碧嶼扇仗列紅欄雲漢聯賡載雄詞媿建安
夏日直摛院急雨忽霽神夢爽豁志懷一首示

李景深

始源

學士

漫被承明直披書臥幔亭夏雨一驟過林嵐倏四青
荷華拂衣香竹籟退鼻腥人方惱氛翳衆矇苦未醒
一與清明遇此心覺惺惺光明佛離垢洗磨刀發硎

念茲悟物理徘徊至日冥少焉天色改簾幃爛明星

秋日與柳承旨

臣天

伴直銀臺柳乞故林福興

閒居詩次原韻以贈

裁得青蘿道士衣公今六十與時違少日未曾求宦
至清秋聊復乞詩歸養鶴課程開竹徑觀魚圖說著
花磯華誥在身知偶爾玉堂松桂兩忘機

題錦雞小屏

今人不知鳳何以畫錦雞金碧光陸離頸長尾垂低
陽鳥散晴彩扶桑喔喔啼高行若矜持顧影自愛惜
臨水錦炫耀照日金錯落山家日正午桃花鋪紅雪

綾絹入摩挲簾幃對麗質戴勝伯勞驚偷眼行鵝馴
鴨皆奴僕一毛千羽俱吉先肯向庭間俛啄粟

送崔水部

夢岳

歸鳩林故居二首

閒散今幾載嶽崎一老翁復尋千里路正值九秋鴻
詩思驢負載宦味酒消融久閱圖碁手超然覆局中
霜臺封奏日水部退閒初不知出而仕何如讀我書
艱辛能解悟因果有乘除秋風相送罷吾亦憶鱸魚
秋日爲迎慈駕出過鍾巖仍憇醇庵吳文靖公
舊庄余於童子時陪先君僑居此庄漁釣嬉遊
歷歷可記而今近三十寒暑矣前時父老幾盡

無餘而文靖之墓草已宿感詠一律以識之

遠憶童遊卅載更蹇驢重到菊花明尚書別業秋山
在舊客愁懷暮草生獨上燒原尋古徑空餘詩社眺
寒城徘徊此地存亡感向晚幽禽未已鳴

景深以閣臣充御史試才江華拈簡齋韻追寄
去年余有島中遷謫之行

曾作逐臣匹馬催海門遙望雪花堆江山舊跡今髣
髴御史新裝好去來鴈陣橫斜秋水闊帆旗明滅暮
雲開館中文學君先數保障非徒爲試才

風雪憶南湖樵夫

五日一風十日雪江天漠漠青山失野橋古渡行人
斷蘆荻寒聲時瑟瑟江湖十里一老夫短笛騎牛人
似鳧夜向板屋讀古書柴扉壓折誰相扶寒魚鱸走
弗上石饑犬相守枉吠客稚子括蔬妻供飯不羨朱
門厭梁肉愧我躓蹠鐘漏間軟塵絲夢不暫閑前秋
忽得虎溪書期勉丁寧許分山梅君舊約還如是永
叔蹉跎歸未易何時一棹尋君去重對梅花一大醉

正月二十一日

顯隆園誕日

車駕展謁仍

和相臣呈韻以下與士源景深徐準平

有集

賡

進

珠丘松柏望依依步輦行休未遽歸每歲餽牽支御
帑舊時車駕想戎衣星分禹甸均三路天作周山
控左畿聖慕那堪瞻象設地形爭道似龍飛

具綾恩

允明

致政宣麻賜詩以寵之與諸公賡

和

吉日引年又獻年嵩呼臚唱五雲邊乞身何必趁強
壯九十顏華望若仙

中和節頒尺公卿近臣恭和 聖製

宸章和寶尺紅帕襲重重金粧裁蜀錦銅制合周鍾
毫釐詐遺失長短并包容東方傳樂府神夢應飛龍

題翰苑西壁

瓦溜初停水漲溪
苔花暈碧嫩芽齊
故園春物知如許
夢裏黃鶯未已啼

春日與士源景深拈唐人韻共賦

朝罷烏巾坐翠微
今年三月見晴稀
落花撲面因風到
乳燕全身貼水飛
信筆無難詞伯軸
薰香不歇侍臣衣
故園景物知應好
未報君恩敢說歸

贈判書尹公琰遷葬輓二首

桂坊恩遇舊吏部
贈封榮少日從賢達
高風仰老成
渾忘身後念咸誦
祖先名改向駒城卜
終由孝子誠

深羞存北漢大道聞南塘
低頭爲郡縣結髮事文章
玄棺今復出素經若初喪
靈槐留蹕路宸慕紀碑詳

寄元履

去歲清明花正肥
今年三月雪霏霏
不見故人成獨臥
東風時自打柴扉

金陵集卷之二

